



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnium hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

I. Lvtheranismi prima semina in oppido Meldensi publice sparsa.

urn:nbn:de:hbz:466:1-10880

Augiae stabulum, ab se tamquam Novo Hercule repurgetur; ac simul rogans, ut se inaudito, nihil statueret. Eundem regem Zwinglius etiam ad suas partes traducere conatus est, dedicato ipsi libro *De vera & falsa religione*: ut etiam Antichristianæ suæ (Christianæ voluit dicere) doctrinæ *Institutiones* ad eundem misit is, qui duobus illis Hæresiachis exclusis, præcipuum postea inter sectarios in regno locum sibi vindicavit. Quid multa? Nemo fere erat ex omnibus illis Novitis Evangelistis, qui non fores has pulsandas, aditumque tentandum sibi existimaret, interim inter spem ac desperationem boni successus fluctuantes. At tandem frustra omnis eorum fuit conatus. Rex enim ab omni Novitatis quod eo tempore singulare Dei donum fuit, studio alienissimus, nullis precibus, nullis obsecrationibus adduci potuit, ut cum Ecclesia faceret divortium. Et ut erat admodum cœtirosus, controversiarum quidem fontes ac schismatis causas cognoscere non abnuebat, emendandis erroribus, si qui deprehenderentur, omnem opem pollicitus: sed quum malitiam eorum quiruinaam Ecclesia sub hoc prætextu moliebantur, quo erat acerrimo iudicio ac profunda prudentia, subolfereret, quamplurimas statim alienæ ab omni hoc hominum genere, qui jam suum esse sibi persuaserant, voluntatis significaciones dedit, ut in sequentibus ostendam. Jam enim tempus est ut primum Lutheranæ in Galliis. Ecclesiæ fundamentum insiciamus.

QUOMODO MARGARITA FRANCISCI T.
soror, Navarræ regina, Lutheranis apud se
recepit dederit.

CAPUT TERTIUM.
ARGUMENTUM.

- I. Lutherani primæ semina in oppido Meldensi publice sparso.
- II. Et à quibus.
- III. Lutherani ad promovendos conatus suos multib[us] operas ambiunt.
- IV. Margarita Navarræ regina doctorum quorundam virorum patrocinium suscipit, nondum recte eorum explorata integritate.
- V. Gerardi Rusti historia, qui Benearni Principatum hæresi infecit: & quantum Navarrense fuerit aule facies.

VI. Rufus Abbas Clericæosis, Temporisator vulgo appellatus, Catholicum se simulat.

P AVONEM ajunt, volucrum superbissimam, ubi diversicolore illo plurimarum ornatu, (quod singulis annis ei non minus quam arboribus accedit) quem antea ad solis radios tanto cum fastu explicare solebat, orbatus fuerit, intra cortè suam pudore se continere, nec prodire inde, donec cauda ipsius variis coloribus picta, pristinum illud lumen ac splendorem recuperarit. Eodem modo Hæresis, ferum & horrendum monstrum, deformitatis luce (quam tamen sanctitatis prætextu quantum fieri poterat, velabat) sibi conscientia, in publico apparere ac conspicendam se prius dare aula non est, quam plumarum aliquot pulcrarum in speciem adscitum ornatum sibi acquisivisset, quibus & turpidinē suam tegeret, & hominibus novitatis ceteroqui avidis, tanto facilius se venditaret. Vidiimus certe initio in diversis Galliæ locis eandem passim jam nascentem, mox rursus denascentem, jam deficiente, instar Lunæ jam augescentem, sic ut momento téporis tamquam peccilens anguis modo è cubili suo proaspereret, mox rursus eodem se abderet atq; occultaret; aut velut nocturnum fulgor subito erumperet, nec minus subito evanesceret. Tadē vero paullatim in Meldorum civitate, à Lutetia non ita procul distante, an. m. d. xxiiii. è latribulis suis prodit, & in aperto quasi ambulare cœpit. Hoc illa fuit civitas, quæ primum Lutheranæ hæresi hospitiū aperte præbuit, cū perpetua dominis sui infamia: unde postea LUTHERANI MEDENSES in proverbiū abierant. Ajunt novellæ ecclesiæ historicæ, in hac urbe Evangelium (Lutheranismum intellige) fideliter fuisse annunciatum, alacriter receperū, auctum brevi tépore admirabiliter, & cōstanter propugnatum. Erat tū ejus loci Episcopus Gulielmus Briffonetus, qui licet circa gregis fidei suæ cōmissi custodiā non cōfessi diligens, primus tamē Lutherani ibi portæ aperte existimatur, curiositate quadā ductus, ceteroqui laudabili, si cū prudētia fuisset conjuncta. Is enim cōtrafacta cū novis literarum professoribus, qui Lutetiam tunc undique convolant, & multorum aures atq; animos Gregislationibus & Hebraizationibus suis titillabant, notitia & familiaritate, aliquot ex iis [b] Lutherano Zwingianos ad se evocavit; inter quod quatuor fuerū præcipui, Gulielmus Farellus Delphinus, Ja-

[a] Lutherani Meldenses. [b] Quatuor primi apud Gallos nostri temporis hæretici.

cobus

cobus Faber, Arnoldus & Gerardus Rufi, Picardi, homines facundi admodum, & in bonarū litterarū ac linguarum studiis, quæ Lutetia professi fuerant, bene versati. Et horum quidem manibus prima hærecosem semina in Galliis jacta, paullatim adoleverunt, nimiæ facilitatis Episcopo ad conatus eorum connivente. Neque enim quis solus sibi errat, ut ait Sapiens; sed alios quoque in devia mittit: ac fere fit, ut stulti stultitiam suam & deliria aliis, quibus cum sunt, tamquam scabiem affracent.

(a) II. Hi ergo Meldas profecti, sub Catholico habitu semi Lutheranorum (sic enim erant) personam occultantes, mox in civium familiaritatem se infinuarunt, priscæ interim majorum pietati, à qua plane discessisse videri non volebant, novum aliquod dogma aspergentes, ac præcipue D. Virginis Deiparæ & sanctis cœlitibus exhibitum hæcenus honorem, quasi is Deo soli deberetur, calumniantes: qua arte olim quoque Arriani usi sunt, Deitatem filio, quod illa soli Patri competenter, detrahentes; interim vero modo hunc modo illum Fidei articulum partim cuniculis partim aperto Marte, per S. Scripturam male detortam, impugnantes & convellentes. Et facile quidem illis fuit, ut est gens hominum novitatis avida, eorum animos qui aures ipsiis præbabant, novis dogmatis imbuere, quum plerique indocti essent & simplices, manuariis artibus vitam sustentantes, fattores, futores, textores, & id genus. Vbi vero diutius se latere non posse animadverterunt (jam enim ubique fama de hæresi Meldis gliscebat) mature collectis velis antequam tempestas ingrueret, naviculam in tutum aliquem portum subducendam sibi statuerunt; Episcopo non minus benigne tutum illis exitum quam ingressum antea procurante, & illis vel solo Martynii nomine alas ad fugam addente, Episcopus prævenus & hærecosem accusatus, ad primam statim correctionem, ignorantiam suam fassus est, ac tandem ad saniores mentem rediens, errorem agnovit, ac resipuit, & ad extremum usque spiritum deinceps in Catholica Ecclesia perseveravit; ut & unus ex quatuor illis, Arnoldus Rufus. (b) Hinc Beza illud, dicentis in suis Iconibus, Brissonetum præ aliis hanc laudem assequutum, quod primus Evangelium in Galliis plantaverit, qua tamen scipsum deinde privârit, ab iis quibus nimium tribuebat, ita fascinatus, ut veritatem abnegat & condemnaret. (c) Farellus, relicta Gallia, in Helvetiam abiit, Zwinglium de dubiis quibusdam, quæ animo conperat, consulturus. Inde Genevam profectus,

eius quæ non multo post ibi facta est, mutationis auctor fuit, ut suo loco dicetur. (d) Faber in Aquitaniam profugiens Neraci latibulum sibi quæslvit, sub Henrici Albretni, Navarræ regis, qui Francisci sororem Margaritam in matrimonio habebat, favore & patrocinio delitescens, & nescio quam novæ religionis formam commentus, quam ita amplectebatur, ut tamen à veteris Ecclesiæ corpore segregatus videri nollet: tanto faciliorem aditum apud reges jam dictos reperiens, quod uterque, & rex & regina, jam ante gustu aliquo Protestantium religionis essent imbuti. (e) Gerardus Rufus, quem Rousselium Galli appellant, in Germaniam abiit, ut magnum hominem, qui fama stui & stupore totum orbem impleverat, oculis videret. Ut vero tres isti diversa semitas ingressi sunt, ita iidem diversas quoque religionum formas, suo sibi quisque modulo, exstruxerunt. Faber cognomento Stapulensis (vicus est ignobilis, unde homo iste obsecro loco natus, prodiit) sub Navarræ regis patrocinio diu vixit; & quamvis Catholicum se ferret, eorum tamen animis quibuscum conversabatur, multos de fide scrupulos injiciebat, & novas opiniones instillabat. Memini me in templo Neracensi Epitaphium ipsius legisse, his verbis conceptum:

(f) *Corpus humo, mætemq; Deo bona cūcta relinquo
Pauperibus: Faber hac dum moreretur, ait.*

Quamvis autem Rex & regina è Meldenium illorum fugitivorum sermonibus, in Catholica religione multo facti essent tepidiores, nihil tamen tum in divino cultu ciusque ritibus mutatum fuit.

(g) IV. Inter haec dum Franciscus rex in regno suo contra pestilentem illam Rheni inundationem muniendo satagit, Margarita eius soror, Navarræ regina, diverso studio in aggeribus perrumpendis & hærecosem rivos in regnum deducendis elaborabat, fucata quadam pietatis & publicæ salutis specie decepta: quem suum errorem ipsa tandem quoque agnovit. Et ut olim Arriani Imperatorem captantes, ut fidem sibi facerent, in sororis ipsius gratiam se infinuarunt; sic Lutherani tam clancularii quam notorii, quum Francisci regis aures sibi obstructas animadverterent, ad sororem eius Navarra reginam, recursum habuerunt, miseris sibi inimicorū fraude oppressis, auxiliū tam voce quā

E 3 libell's

(a) Primi hærecoespæcones. (b) Beza in Iconibus.

(c) Gulielmus Farellus. (d) Iacobus Faber Stapulensis. (e) Gerardus Rufus. (f) Mortuus Anno 1532.

(g) Lutherani seminarum operariis, & quarum.